

## Transkription von Urkunde SWN 1374a

Ort, Datierung: Schwerin, 1374-02-14

Signatur: Landeshauptarchiv Schwerin, Rep. 1, Schuldbriefe I, 44

Inhalt: Albrecht to Mekelemborch: Schuldurkunde

---

Wy Albrecht van godes gnaden h(er)toghe to mekelemborch Greue to zwer(in) . to Stargarde vnd to /  
rozstok here . bekenne(n) vnd bethuge(n) openbare in dessem breue . Dat wy vnd vse erue(n) van  
rechter / schult weggen schuldich sin vsen leue(n) vicken hasenkop vnd henneke warschowe knape vnd  
/ ere(n) erue(n) . dreihundert lubes(che) mark hir vor heb wy en mit vulbort vser erue(n) . vnd na / rade  
vser truwen raet gheue ghesat vnd ghelate vnd sette vnd late en mit dessem breue to / ene(n) rechte(n)  
brukelike pande de bede vnd dat hogheste richte ouer desse twe dorp . dummer / vnd molenbeke de  
beleggen sin in vsem lande to wittenborch also als de binne al ere schede / ligghen also dat de  
vorben(omeden) vicke vnd henneke vnd ere erue . de vorben(omede) bede vnd hogheste / richte der  
vorben(omeden) dorpe brukelike hebbe(n) vnd besitten scolē . Went so langhe dat wy oder / vse  
erue(n) . en eder ere(n) erue bereden vnd ghelden to ener tid de vorben(omeden) dreihundert mark , /  
vnd wan wy eder vse erue(n) de beredinge daen hebben so scal dit vorben(omede) pant vs / wedder  
ledich vnd los wesen vnd wan en des noet is . so moghen se de vorbenomede(n) bede . vt . vordern vnd  
vtpanden / ane worwyt . vnd ane broke . <sup>1</sup> To tughe desser dink is vse inghes(eghele) henght an  
dessen / bref De gheue is na godes bort druttēynhundert jar in dem veer vnd seuen=tichstem Jare des  
ersten daghes in der vasten de assche dach het . /

---

<sup>1</sup>Text von: vnd wan en bis vnd ane broke durch Auslassungszeichen über dem Text eingefügt